



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

ix. Ne sede vaca[n]te aliquid innouetur.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

tum si quis aduersus eum cui concessio primum facta erit quid obicere poterit, ordine iudiciario experitor.

Ne sede vacante aliquid innouetur. Tit. 9.

EPiscopali sede vacante de eius statu, & iure ^{1. Nouit.}
ne quid innouator, ne quid ipsi concessum mutator. cum de præsule ecclesia ordinata erit, tum demum qui quid aduersus eam petent ius suum prosequuntur.

Itaque quæ depositiones testium vacante ec- ^{3. Constitutis.}
clesia, & legitimo personarum numero carente receptorum in ecclesiæ causa habitæ erunt, reiciuntur.

Atque adeo capitulum vacante sede vice episcopi in præbendorum conlatione ne fungitor. ^{2. Illæ.}

De his quæ fiunt à Prælato sine consensu capituli. Tit. 10.

PRælati eiusque fratres vnum corpus fun- ^{4. Nouit.}
to. qui caput sicut omiſſis membris aliorum consilio in ecclesiæ suæ negociis ne vtor. Abbates, abbatissas, aliâsve ecclesiasticas personas sine fratrum suorum consilio ne instituito, neve destituito. Quæ contrâ factæ erunt institutiones & destitutiones infirmæ sunt.

In concessionibus, confirmationibus, & aliis ^{5. Quæto.}
ecclesiæ suæ negociis fratres suos requirito. cum eorum cōsilio saniorisve partis eadem peragito, pertractato. quæ sciscenda, statuenda erūt, sciscito, statuito, errata conrigo, euellēda dissipato, euellito, absētiū fratrum nomina iscribi ne sinito.